

MEMORANDUM

PA: Kumison di Skóla

DI: Brenda Cassellius, Superintendenti

CC: Andrea Zayas, Diretor Akadémiku Prinsipal
Monica Hogan, Diretor Izekutivu, Dadus y Kontabilidadi
Lindsa McIntyre, H.S. Superintendenti di Skóla
Elia Bruggeman, H.S. Superintendenti di Skóla
Mary Dillman, Xefi di Pesoal
Megan Costello, Konselheru Sénior

DATA: 24 de Marsu, 201

RE: Aprizentason di Kumison di Skóla di CCLR

Aprizentason des noti ta bazia na monti árias ki ten inpaktu na efikásia di BPS pa garanti ma nos alunas sta preparadu pa Koléjiu, Karera, y Vida (CCLR) óras ki es sai di BPS. Nu ta kumesa ku un rivizon di dadus risenti sobri taxas di konkluzon di skóla y dizisténsia di alunas ki sa ta frikuenta BPS. Sima nhos sa ta odja, dadus ta indika ma nu tene un menor persentájen

di alunas ki ta abandona skóla, enkuantu ki nu ta odja un omentu na taxa di alunas ki ta tirmina skóla. Es dadus é motivu di selebrason. Nu entantu, informason sobri frikuénsia, GPA, asesu a kursus rigurozu, y aprendizaji a kualker mumentu, na kualker lugar, ta indika ma apénas 43% di nos risén-formadu sta preparadu pa vida dipôs di konkluzon di skóla. Óras ki nu dizagrega es dadus ku bazi na rasa, nu ta odja prova di un défisi di oportunidadi en ispanson pa nos alunas istorikamenti marjinalizadu.

Un forma di midjora CCLR pa alunas di BPS é difini kursu di studu MassCore komu rikizitu di konkluzon di skóla na BPS. Óras ki difinidu MassCore komu kritériu di konkluzon di skóla, nu ta propursiona transparénsia na rikizitus di konkluzon di skóla na tudu skóla sikundáriu di BPS. MassCore ta proporsiona oportunidadi di garanti ma tudu alunu ten asesu a disiplinas rigurozu na tudu Distritu. Kel pulítika tanbê ta djuda kolmata lakunas di oportunidadi en rilason a konkluzon di MassCore ki é persistenti pa nos alunas istorikamenti



marjinalizadu.

Duranti prusésu di involvimentu, nu resebe feedback di nos líderes skolar relativamenti a aseitason di MassCore y se implikasons en termus di finansiamentu, alonus ki dja pasa idadi y poku kridensiadu, Alonus di Inglês, y alonus ku difisiénsias. En risposta a es feedback, nu ta partilha nos planu inisial di apoiu pa nos alonus y asigura ma MassCore ka é un mandadu sen finansiamentu.

Paralén di MassCore, ekipa di H.S. ta aprizenta dados sobri disiplinas avansadu, notas di disciplina, inpaktu di panorama, y MyCap y preparason pa Dipôs di ensinu sikundáriu. Alén di kel-la, nu ta tra algun ténpu pa selebra taxa más altu di konluzon di skóla ki nos distritu rijista ti gosi, di 75,4%. Es omentu ta inklui kresimentu na monti grupu di alonus, inkluidu alonus Negru y Latinu. Nu ta pretende diskuti más stratéjias y inisiativas ki dja apoia kel trabadju nes ária, pamodi nu sabe ma ka ten bala di prata.

Finalmenti, nu ta aborda oportunidades futuru pa kontinua nos prugrésu, enkuantu nu ta fika abertu pa infrenta kualker dizafiu ki ta prolonga y ta kontinua en relason a Pandemia. Opsions ta inklui un artikulason klaru di nos vizon, mison y valoris difinidu na nos Planu Stratéjiku y na nos Kuadru di Rigrésa, Rikupera y Ripensa. Nu ta kontinua ta involve nun prusésu ki ta anplifika tudu vós pa alkansa un kresimentu kontínu y prugrésu na nos taxa di konkluzon di skóla. Kel-li ta ser fetu enkuantu nu ta kuida di forma modi ki pesoas ta interaji y trabadja koletivamenti, ta distaka relason puzitivu, kunfiansa, enpatia, y obi vós anplifikadu.

